



BANKS/TORRES ISLAND COURT

CIVIL CASE NO. 9 OF 2004

REPUBLIC OF VANUATU

(CIVIL JURISDICTION)

BETWEEN. PRINCE TABEVA

(Plaintiff)

AND. NICOLAS BROWN

(Defendant)

Justices: Hollen Sack

Leo Patuntun

Philip Morris Tabe

Clerk: Fredington Aru

Date of hearing: 29th April 2011

Appearance: Both oli bin served wetem summons mo tugeta ibin
appear bifo long Kot.

DECISION

Court hemi bin sitaon long Lotawan village long Mota Aelan follem claim we plaintiff hemi bin filem againsem defendant.

Long claim blong plaintiff, Mr. Prince hemi klaimem wan amount blong VT 43,000 + 1,000 court fee hemi mekem wan total blong VT 44,000 againsem defendant Mr. Nicolas Brown.

Plaintiff hemi klaim se hemi bin pem amount ia (43,000)igo long defendant from gel blong hem we hemi Jenny. Hemi part payment blong bride price we hemi mekem from se tufala mo Jenny igat strong tingting blong maret.

lhapen se Nicolas Brown hemi karem gel blong hem mo go long Vila taem hemi winim election long 2002. Jenny hemi go liv wetem wan narafala man Pentecost mekem se hemi no save kam bak mo maret wetem Mr. Prince.

Long court Nicolas Brown hemi admitim Klaim mo hemi talem se bambai hemi pem amount ia iko long Mr. Prince.

Folem admission blong defendant Mr. Nicolas Brown, court hemi mekem odas olsem ia;

Court Orders

1. Defendant Mr. Nicolas Brown bambai hemi pem amount blong VT 43,000 plus court fee VT 1,000 iko long Plaintiff Mr. Prince.

2. Payment isave done long installement long wan period blong 3 manis, we hemi June, July mo August.

3. Tufala parties igat raet blong apil anda long section 22 blong Aelan Kot Act cap 167 igo long Magistrate court siposi tufala ino hapi long decision ia.

Dated long 29th April 2011 long Lotawan village, Mota Aelan

Allen Sack P.
Justice Hollen Sack

LEO
Justice Leo Patuntun

Philip Morris Tabe
Justice Philip Morris Tabe

